

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA TATU

KIKAO CHA HAMSINI NA MOJA

27 JUNI, 2016



ORODHA YA SHUGHULI ZA LEO

MKUTANO WA TATU

KIKAO CHA HAMSINI NA MOJA – 27 JUNI, 2016

I. MASWALI:

OFISI YA WAZIRI MKUU:

433. MHESHIMIWA MARTHA JACHI UMBULLA (VITI MAALUM):

Atamuuliza Mheshimiwa Waziri Mkuu:- Pamoja na juhudi kubwa ya Serikali ya Awamu ya Nne katika kutekeleza ahadi ya miradi katika Ilani ya Uchaguzi bado haikuweza kukamilisha ahadi zote ilizotoa:-

Je, Serikali ya Awamu ya Tano ina mpango gani wa kukamilisha ahadi za miradi iliyoachwa na Serikali ya Awamu ya Nne bila kukamilika.

OFISI YA RAIS (TAMISEMI):

434. MHESHIMIWA HASSAN SELEMAN KAUNJE (LINDI MJINI):

Atamuuliza Mheshimiwa Waziri wa Nchi, Ofisi ya Rais (TAMISEMI):- Jimbo la Lindi Mjini lina eneo

la Bahari ya Hindi lenye urefu wa kilometa 112, lakini eneo hilo halina mchango wowote wa maana kwenye pato la Taifa na Manispaa ya Lindi:-

Je, Serikali ina mpango gani wa kuendeleza eneo la bahari katika Manispaa ya Lindi.

WIZARA YA MAJI NA UMWAGILIAJI:

435. MHESHIMIWA STEPHEN JULIUS MASELE (SHINYANGA MJINI):

Atamuuliza Mheshimiwa Waziri wa Maji na Umwagiliaji:-

Je, ni lini Serikali itahakikisha vijiji vilivyo ndani ya kilomita tano (5) kutoka bomba kuu la maji ya Mradi wa KASHWASA vinapatiwa maji vikiwemo Vijiji vya Kolandonto, Ibadakuli na Kuzumbi.

436. MHESHIMIWA STEPHEN HILARY NGONYANI (KOROGWE VIJINI):

Atamuuliza Mheshimiwa Waziri wa Maji na Umwagiliaji:- Mji wa Mombo ni mji unaokua kwa kasi kubwa na kuna mradi mkubwa wa maji unaotoka Vuga - Bumbuli kwenda Mombo katika Kitongoji cha Mlembule na mradi huo utagharimu shilingi milioni 900,000,000/=:-

(a) Je, ni lini mradi huo utakamilika;

(b) Kwa kuwa mradi huo unapita katikati ya Mji wa Mombo; Je, Mji wa Mombo utafaidikaje na mradi huo.

WIZARA YA UJENZI, UCHUKUZI NA MAWASILIANO:

437. MHESHIMIWA KITETO ZAWADI KOSHUMA (VITI MAALUM):

Atamuuliza Mheshimiwa Waziri wa Ujenzi, Uchukuzi na Mawasiliano:- Mhe. Rais wakati wa kampeni akiwa Mkoani Mwanza aliahidi kuifanya Mwanza kuwa Geneva; lakini Mwanza Mjini kuna barabara zenye urefu wa km 546.1 ambapo km 43.67 zina lami na km. 3.556 zimejengwa na mawe.:-

(a) Je, Serikali ina mpango gani wa kuongeza barabara zenye kiwango cha lami;

(b) Je, Serikali itashirikiana vipi na Halmashauri za Ilemela na Nyamagana ili kuboresha barabara zilizopo chini ya Halmashauri hizo na kujengwa kwa kiwango cha lami.

438. MHESHIMIWA MARTIN ALEXANDER MTONDA MSUHA (MBINGA VIJIJINI):

Atamuuliza Mheshimiwa Waziri wa Ujenzi, Uchukuzi na Mawasiliano:- Miaka kadhaa iliyopita Serikali iliahidi kuwa itajenga barabara ya kutoka Kitai Wilayani Mbinga hadi Lituhi Wilayani Nyasa kwa kiwango cha lami, lakini hadi sasa wananchi hawaelewi kinachoendelea juu ya ujenzi huo:-

Je, Serikali inawaambia nini wananchi wa Mbinga na Nyasa juu ya ujenzi wa barabara hiyo kwa kiwango cha lami.

439. MHESHIMIWA HAMIDA MOHAMED ABDALLAH (VITI MAALUM):

Atamuuliza Mheshimiwa Waziri wa Ujenzi, Uchukuzi na Mawasiliano:- Sehemu kubwa ya Mji wa Lindi imezungukwa na bahari, ambapo wananchi wa Kijiji cha Kitunda wanajishughulisha na shughuli za kilimo na kuishi huko kutumia usafiri ambao sio salama wa mitumbwi midogo midogo kutoka Kijijini hapo kwenda Lindi Mjini kwa ajili ya mahitaji muhimu ya kibinadamu:-

Je, Serikali ina mpango gani wa kupeleka kivuko kwa ajili ya kuvusha wananchi hao ambao maisha yao yapo hatarini kwa kutumia mitumbwi midogo midogo kutoka Lindi Mjini kwenda Kata ya Kitumbikwela.

WIZARA YA ELIMU, SAYANSI, TEKNOLOJIA NA UFUNDI:

440. MHESHIMIWA AMINA SALEH MOLLEL (VITI MAALUM):

Atamuuliza Mheshimiwa Waziri wa Elimu, Sayansi, Teknolojia na Ufundi:- Watu wenye ulemavu wanapitia changamoto nyingi katika safari zao za kimaisha na mojawapo ni miundombinu isiyo rafiki kwa ajili ya kupata elimu:-

Je, Serikali ina mkakati gani wa kutatua matatizo hayo ili kuwawezesha watu wenye ulemavu kufurahia matunda ya elimu kwa kuweka mazingira mazuri yatakayowasaidia kupata elimu.

WIZARA YA KILIMO, MIFUGO NA UVUVI:

441. MHESHIMIWA DKT. GODWIN OLOYCE MOLLEL (SIHA):

Atamuuliza Mheshimiwa Waziri wa Kilimo, Mifugo na Uvuvi:- Shamba la Garagua linalomilikiwa na KNCU lililopo katika Wilaya ya Siha, liliamuliwa liuzwe mwaka 2015 ili kulipa mkopo wa shilingi bilioni nne uliochukuliwa na KNCU na baadaye kushindwa kufanya marejesho ya mkopo huo kwa wakati:-

(a) Je, ni kwa nini Serikali isiwawajibishe viongozi wa KNCU walio sababishia Ushirika hasara kwa kuchukua mkopo ambao wameshindwa kuulipa;

(b) Je, Serikali ina mpango gani wa kuyarudisha mashamba ya Ushirika yanayotumika kwa maslahi ya wachache au ambayo Ushirika umeshindwa kuyaendeleza katika umiliki wa Halmashauri za Wilaya husika.

WIZARA YA AFYA, MAENDELEO YA JAMII, JINSIA, WAZEE NA WATOTO:

442. MHESHIMIWA ZAINABU MUSSA BAKAR (VITI MAALUM):

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Suala la Madaktari feki limezoeleka nchini Tanzania na linazidi kuendelea siku hadi siku katika Hospitali zetu:-

(a) Je, Serikali haioni kuwa suala hili ni kuhatarisha maisha ya Watanzania kutokana na uzembe na usimamizi mbovu wa Hospitali zetu;

(b) Je, Serikali imechukua hatua gani kuondoa kadhia/kero hii isiendelee.

II. MISWADA YA SHERIA YA SERIKALI:

***(Kusomwa Mara ya Pili, Kamati ya Bunge Zima na
Kusomwa Mara ya Tatu)***

Muswada wa Sheria ya Marekebisho ya Sheria Mbalimbali (Na. 2) wa Mwaka 2016 [*The Written Laws (Miscellaneous Amendments (No. 2) Bill, 2016*].

(Majadiliano yanaendelea)



**DODOMA
27 JUNI, 2016**

**DKT. T. D. KASHILILAH
KATIBU WA BUNGE**